



Broj: 02-749-9-1/18

Datum: 05.04.2019.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-749-17/18 od 21.02.2019.godine, (u daljem tekstu: zapisnik) u otvorenom postupku javne nabavke prehrambenih proizvoda, objavljenom na portalu javnih nabavki pod brojem: 867-1-1-87-3-68/18 od 12.07.2018.godine i u Službenom glasniku BiH broj: 35 od 20.07.2018.godine, na preporuku komisije za javne nabavke, Direktor je donio

ODLUKU

o izboru najpovoljnijih ponuđača

I

Prihvata se preporuka komisije za javne nabavke i Okvirni sporazumi za javnu nabavku prehrambenih proizvoda dodjeljuju se ponuđačima kako slijedi:

1. **“Redex” d.o.o. Banovići** za Lot 10 u ukupnom iznosu od 171.918,00 KM bez PDV-a.
2. **“TP DC Sarajevo” d.d. Sarajevo** za Lot 12 u ukupnom iznosu od 8.208,70 KM bez PDV-a.

II

Prijedlog okvirnog sporazuma dostavit će se na potpis izabranim ponuđačima iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnijih ponuda.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

Obrazloženje

Postupak javne nabavke prehrambenih proizvoda pokrenut je Odlukom o pokretanju postupka javne nabavke broj: 02-749-1/18 od 29.06.2018.godine, putem otvorenog postupka objavljenog na portalu javnih nabavki pod brojem: 867-1-1-87-3-68/18 od 12.07.2018.godine i u Službenom glasniku BiH broj: 35 od 20.07.2018.godine. U ostavljenom roku ponude je dostavilo ukupno 7 (sedam) ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te

utvrdila da su svi ponuđači dostavili dokaze zahtijevane tenderskom dokumentacijom zbog čega su ocijenjeni kao kvalifikovani za daljnje učešće u postupku.

Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je poslije održane e-aukcije sačinila rang listu ponuđača kako je sve decidno navedeno u zapisniku o pregledu i ocjeni ponuda broj: 02-749-6/18 od 11.09.2018.godine. Prema utvrđenoj rang listi, razlog za izbor ponuđača sadržan je u činjenici da su izabrani ponuđači podnijeli prihvatljive ponude koje su primjenom člana 64. stav 1 tačka b) ocijenjene kao najpovoljnije. Na Odluku Ugovornog organa u predmetnom postupku izjavljene su žalbe od strane ponuđača Bosna – kom doo Gračanica i Redex doo Banovići koje je Ured za razmatranje žalbi djelimično usvojio i predmet vratio ugovornom organu na ponovno odlučivanje, istaknuvši u jednom od svojih Rješenju da se odbija zahtjev žalitelja za ponavljanjem e-aukcije iz razloga što ponavljanje e-aukcije nema uporište u zakonskim i podzakonskim aktima na način kako je to žalitelj zahtijevao. Ugovorni organ je pisanim putem zatražio od Ureda za razmatranje žalbi donošenje dopunskog Rješenja a obratio se i Agenciji za javne nabavke u vezi pitanja e-aukcije. Nakon što je dobio odgovore od Ureda za razmatranje žalbi te Agencije za javne nabavke, u ponovljenom postupku komisija je uzevši u obzir iste, izvršila ponovnu analizu i ocjenu ponuda nakon čega je Ugovornom organu dala preporuke. U skladu sa provedenim radnjama i utvrđenim činjeničnim stanjem Komisija je preporučila donošenje odluke o izboru najpovoljnijih ponuđača za lotove 10 i 12, i to ponuđača čije su ponude prihvatljive i u okvirima predviđenih sredstava u skladu sa održanom e-aukcijom. Iz zapisnika je utvrđeno da je Komisija za javne nabavke pravilno izvršila ocjenu prispijelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:
1 x Ponuđačima
1 x Komisiji za nabavke
1 x a/a



DIREKTOR
Prof.dr.med.sci. Nešad Hotić